

四庫全書

子部

欽定四庫全書

子部

薛氏醫案卷三十七

詳校官太醫院醫士臣舒岱

編修臣倉聖脈覆勘

總校官原任中允臣王燕緒

校對官助教臣卜維吉

謄錄舉人臣蔣雲師

欽定四庫全書

薛氏醫案卷三十七

明薛己訂

婦人良方

妊娠數墮胎方論第一

夫胎乃陽施陰化榮衛調和經養完全十月而產若血氣虛損不能養胎所以數墮也凡妊婦腰痛多墮胎

愚按丹溪先生曰陽施陰化胎孕乃成血氣虛之不

能榮養其胎則墜譬如枝枯則果落膝痿則花墜嘗
治賈氏婦每有孕至三月前後必墜診其脈左右大
而無力重則濡知其血虛也補其中氣則血自榮時
正初夏教以濃煎白朮湯下黃芩末二錢與數十貼
得保而生因而思之墮于內熱而虛者于理為多曰
熱曰虛蓋孕至三月上屬相火所以易墮不然何以
黃芩熟艾阿膠等為安胎之妙如此也大抵治法須
審某月屬某經育養而藥之

附治驗

一妊婦五月服剪紅丸而胎墮及腹脹痛乃服破血之劑痛益甚手不敢近予曰此峻藥重傷脾胃也用八珍倍加參耆半夏乳香沒藥二劑而痛止數劑而安

吳江庠史萬湖仲子室年二十餘疫疾墮胎時咳服清肺解表之藥喘急不寐予以為脾土虛而不能生肺金藥復損而益甚也先與補中益氣加茯苓半夏

五味炮薑四劑漸愈後往視之用八珍加五味及十全大補湯而愈

一方鯉魚二觔者一尾粳米一升用鹽醬煮食甚善月食三次

芎藭補中湯杜仲九治氣虛而胎墜

方見十二卷第一論

附方

十全大補湯

八珍湯

二方見二十四卷第四論

補中益氣湯方見二十四卷第六論

妊娠不長方論第二

夫妊娠不長者因有宿疾或因失調以致臟腑衰損氣血虛弱而胎不長也當治其疾痰益其氣血則胎自長矣

愚按前症更當察其經絡審其所因而治之

附治驗

一妊婦胎六月體倦懶食面黃晡熱而胎不長因勞

欲墜此脾氣不足也用八珍湯倍加參朮茯苓三十餘劑脾胃漸健胎安而長矣

一妊婦因怒寒熱往來內熱晡熱脇痛嘔吐胎至八月而不長此因肝脾鬱怒所致用六君子加柴胡山梔枳殼紫蘇桔梗病愈而胎亦長矣

黃耆湯 治妊娘不長更安胎和氣

黃耆炒 白朮炒 陳皮 麥門冬去心 白茯苓 前胡

人參各五分 川芎 甘草炒三分

右薑棗水煎服

集驗用鯉魚長尺許如食法飲其汁其胎漸大而長矣

附方

六君子湯

方見二十四卷第六論

八珍湯

方見二十四卷第四論

妊娠胎動不安當下方論第三

夫人以胃氣壯實衝任榮和則胎得所如魚處淵若氣血虛弱無以滋養其胎終不能成也宜下之以免其禍

愚按前症宜用第十二卷十四方論主之其胎果不能安者方可議下慎之慎之

附治驗

鴻臚張淑人痢疾後胎動心神不安肢體殊倦用八珍散二十餘劑漸愈因勞加煩熱頭痛以大劑補中益氣湯加蔓荊子治之熱痛頓止仍用前散又五十餘劑而安其後生產甚易

桂心散 治妊娠因病胎不能安者可下之

桂心 瓜蒌 牛膝 藟麥各五分 當歸

右水煎

又方牛膝一兩酒一鍾煎七分作二服

小品方用麥蘖一升搗碎水二升煮一升服之神效觀
麥蘖能損氣破血如此脾胃虛弱飲食不化者不宜
用明矣

文仲取雞子一枚鹽三錢服之立下

佛手散服之胎死者即下生者亦安

方見十二卷第七論

附方

八珍湯

方見二十四卷第四論

補中益氣湯

方見二十四卷第六論

妊娠墮胎後血下方論第四

墮胎後復損經脈而下血不止甚則煩悶至死皆以調
補胃氣為主

愚按前症若肝經血熱用四物參朮山梔肝經風熱
用防風黃芩九肝經怒火用加味道遙散脾經氣虛

用四君子歸地脾經鬱滯用加味歸脾湯氣滯不和
用紫蘇飲胃氣下陷用補中益氣湯

附治驗

一妊婦墮胎昏憤不時吐痰自用養血化痰之劑昏
憤不省自汗發搐痰涎湧出彼以為中風欲用祛風
化痰予曰此屬脾氣虛寒所致遂用十全大補湯加
炮薑二十餘劑尋愈

治妊娠損動下血腹痛

阿膠

一兩
炒

艾葉

半兩

右水一大盞煎

因墮胎下血煩滿寒熱狂悶鎊鹿角炒為末每服三錢
水調下日三服或家雞翎燒為末每服二錢溫酒下良
久再服以效為度

附方

四物湯

補中益氣湯

二方見二十四卷第六論

紫蘇飲

方見十二卷第八論

防風黃芩丸

方見十二卷第六論

加味道遙散

加味歸脾湯

十全大補湯

三方見二十四卷第四論

妊娠未足月欲產方論第五

妊娠未足月而痛如欲產或應產而難或為子煩用知母一味蜜九桐子大粥飲服之或槐子蒲黃等分為丸

酒服或蒲黃水調錢許並效

愚按小產重于大產蓋大產如瓜熟自脫小產如生採斷其根蒂豈不重哉而人輕忽死于是者多矣大抵治法宜補形氣生新血去瘀血為主若未足月痛而欲產用芎歸補中湯倍加知母止之產而血不止人參黃耆湯補之產而心腹痛當歸川芎湯主之元氣弱而欲產八珍湯固之出血過多而發熱聖愈湯治之若汗不止或昏憤喘咳急用獨參湯若發熱煩

躁或肉瞤筋惕用八珍湯大渴面赤脈洪而虛者用
當歸補血湯身熱面赤脈沈而微者用四君子薑附
以回其陽可也

附治驗方藥

一妊婦八月胎欲墜如產卧久少安日晡益甚此氣
血虛弱朝用補中益氣湯加茯苓半夏隨愈更以八
珍湯調理而安

當歸川芎湯 治小產後瘀血心腹疼痛或發熱惡寒

當歸

川芎

熟地黄

白製

芍藥

炒

元胡索

炒

紅

花

香附

青皮

澤蘭

牡丹皮

桃仁

右水煎入童便酒各小半盞服

若以手按腹愈痛此瘀血為患宜用此藥或失笑散
消之若按之不痛此是血虛宜用四物參苓白朮若
痛而作嘔此是胃虛宜用六君子若痛而作瀉此是
脾虛宜六君子送二神丸

芎歸補中湯

治氣血虛而欲產

艾葉

代

阿膠

炒

川芎

五味子

炒

黃耆

炙

當歸

白朮

炒

芍藥

炒

人參

杜仲

炒

各

甘草

炙

五

右每服五錢水煎服

若脾氣虛弱須用補中益氣湯若氣虛而有火宜用

安胎飲

人參黃耆湯 治小產氣虛血下不止

人參

黃耆

炒

當歸

炒

白朮

炒

白芍藥

炒

艾葉

各

錢 阿膠

炒

二

右作一劑水煎服

當歸散

治產後氣血虛弱惡露內停增寒發熱宜服

此藥

當歸

白芍藥

炒

川芎

黃芩

炒各一兩

白朮

五錢

右為細末溫童便調下二錢

聖愈湯

方見二十四卷第九論

獨參湯

方見三卷第十三論

當歸補血湯

八珍湯

二方見二十四卷第四論

補中益氣湯

方見二十四卷第六論

斷產方論第六

易曰天地之大德曰生然婦人有臨產艱難或生育不
已而欲斷之故錄驗方以備所用若服水銀蜜蟲水蛭
之類不惟孕不復懷且禍在反掌

愚按前云用蠶故紙尺許燒灰為末產後酒服之血
虛者終不復孕大抵斷產之劑多用峻厲往往有不

起者是則產之害未若斷產之害也吾聞閻老張羅
峯太常李恒齋俱因服斷產之劑自謂形體俱怯遇
勞必病有由然矣

千金斷產用油煎水銀一日方息空心服棗大一丸永
斷其孕且不損人

千金去胎大麩五升清酒一斗煮二沸去滓分五服隔
宿勿食旦再服其胎如糜母無所苦千金不傳

四物湯每服五錢加芸薹子二撮于經行後空心溫服

妊娠咳嗽方論第七

夫肺內主氣外司皮毛皮毛不密寒邪乘之則咳嗽秋則肺受之冬則腎受之春則肝受之夏則心受之其嗽不已則傳于腑妊娠病久不已則傷胎也

愚按前症若秋間風邪傷肺用金沸草散夏間火邪尅金用人參平肺散冬間寒邪傷肺用人參敗毒散春間風邪傷肺用參蘇飲若脾胃肺氣虛用六君芎歸桔梗若血虛四物桑皮杏仁桔梗腎火上炎用六味

九加五味子煎服脾胃氣虛風寒所傷用補中益氣
加桑皮杏仁桔梗蓋肺屬辛金生于巳土嗽久不愈
者多因脾土虛而不能生肺氣而腠理不密以致外
邪復感或因肺氣虛不能生水以致陰火上炎所致
治法當壯土金生腎水為善諸臟腑嗽見六卷第十
一等論

附治驗

一姪婦氣喘痰甚諸藥不效素有帶下始于目下浮

兩月餘其面亦然此氣虛而有痰飲也用六味丸料數劑而愈

一妊婦嗽則便自出此肺氣不足腎氣虧損不能司攝用補中益氣湯以培土金六味丸加五味以生腎氣而愈

一妊婦咳嗽其痰上湧日五六碗許諸藥不應予以為此水泛為痰用六味丸料及四君子湯各一劑稍愈數劑而安

一姪婦因怒咳嗽吐痰兩脇作痛此肝火傷肺金以小柴胡湯加山梔枳殼白朮茯苓治之而愈但欲作嘔此肝侮脾也用六君子加柴胡升麻而痊

桔梗散 治風寒咳嗽喘急不食

天門冬去心 赤茯苓各一錢 桑白皮 桔梗炒 紫蘇各五

分麻黃去節 貝母 人參 甘草炒

右薑水煎

馬兜鈴散 治咳嗽氣喘

馬兜鈴 苦梗 人參 甘草 貝母各五分 陳皮

去白大腹皮黑豆水浸洗 紫蘇 桑白皮各五錢 五味子五分

右薑水煎

百合散 治咳嗽胃胸煩悶

川百合 紫苑 麥門冬 桑白皮 苦梗各五分

甘草三分 竹茹二分

右薑水煎

治妊娠傷寒涎多咳嗽

知母 杏仁 天門冬 桑白皮
各五分

右薑水煎服

旋覆花湯治感冒喘嗽胸滿痰盛
方見二十二卷第四論

華蓋散治症同上或項背拘急鼻塞頭眩時發寒熱
方見

六卷第十二論

參蘇飲加杏仁五味子治症同上

附方

金沸草散
方見六卷第十二論

人參平肺散

方見二十四卷第十二論

人參敗毒散

方見二十四卷第十論

補中益氣湯

四君子湯

六君子湯

三方見二十四卷第六論

六味丸

方見二十四卷第十二論

小柴胡湯

方見二十四卷第二論

妊娠吐血衄血方論第八

妊娠吐血由七情臟腑所傷氣逆于上致血上溢不止
心悶甚者多死或墮胎也宜用局方必勝散

愚按前症若肝經怒火先用小柴胡山梔生地次用
前藥合四物後用加味道遙散肝經風熱防風子芩
丸心經有熱硃砂安神丸心氣不足補心湯思慮傷
心妙香散胃經有火犀角地黄湯膏粱積熱加味清
胃散鬱結傷脾加味歸脾湯肺經有火黃芩清肺飲
因氣鬱滯紫蘇飲子氣不攝血用補中益氣湯腎經

虛火加味六味丸仍以七卷第五論互用

附治驗方藥

一妊婦因怒吐血兩脇脹痛小便淋瀝此怒而血蓄于上隨火出也用小柴胡合四物四劑血止用六君子安胎飲調理而安

紫蘇飲 治妊娠失調胎氣不安上攻作痛或氣逆失

血

方見十二卷第八論

若肝脾氣血虛而有火不安宜無逍遙散若脾氣虛

弱而不安宜用四君芎歸

小柴胡湯

方見二十四卷第二論

四物湯

補中益氣湯

六君子湯

三方見二十四卷第六論

加味逍遙散

加味歸脾湯

二方見二十四卷第四論

防風子芩丸

方見十二卷第六論

硃砂安神丸 方見三卷第十論

養心湯 方見三卷第十論

妙香散 方見三卷第十一論

安胎飲 方見十二卷第一論

犀角地黄湯 方見七卷第六論

加味清胃散 方見二十四卷第一論

黃芩清肺飲 方見八卷第一論

加味六味丸 方見二十四卷第十一論

妊娠子煩方論第九

論曰妊娠苦煩悶者以四月受少陰君火以養精六月受少陽相火以養氣若母心驚膽寒多有是症產寶云是心肺虛熱或痰積于胸若三月而煩者但熱而已若痰飲而煩者吐涎惡食大凡停痰積飲寒熱相搏吐甚則胎動不安

愚按前症若因內熱用竹葉湯氣滯用紫蘇飲痰滯用二陳白朮黃芩枳殼氣鬱用分氣飲加川芎脾胃

虛弱用六君紫蘇山梔

附治驗

一姪婦煩熱吐痰惡食惡心頭暈此脾虛風痰為患
用半夏白朮天麻湯以補元氣祛風邪漸愈惟頭暈
未痊乃用補中益氣湯加蔓荊子以升補陽氣而愈

竹葉湯 治子煩

防風 黃芩炒 麥門冬各一錢 白茯苓二錢

右竹葉數片水煎服

人參散 治熱乘心脾煩熱乾渴

人參 麥門冬 赤茯苓 地骨皮 乾葛 黃

芩

炒

犀角

一鎊各錢

甘草

五分

右水煎

竹茹湯 治妊娠煩躁或胎不安淡竹茹一兩水煎服

益母丸 知母炒為末棗肉丸彈子大每服一丸人參煎

湯下

附方

分氣飲 治脾胃虛弱氣血不和胃膈不利或痰氣喘
嗽飲食少思

陳皮 茯苓 半夏炒 桔梗炒 大腹皮 紫蘇梗

枳殼炒麩 白朮炒 山梔炒各一錢 甘草炙五分

右薑棗水煎

紫蘇飲 方見十二卷第八論

二陳湯 方見二十四卷第五論

六君子湯

補中益氣湯

二方見二十四卷第六論

妊娠煩躁口乾方論第十

足太陰脾之經其氣通于口手少陰心之經其氣通于舌若臟腑不調氣血不和以致內熱乘于心脾津液消爍故心煩口乾也與子煩大同小異宜用益母丸

愚按前症若胃經實火用竹葉石膏湯若胃經虛熱用人參黃耆散若胃經氣虛用補中益氣湯若肺經虛熱用紫蘇飲若肝經火動用加味道遙散若脾氣

鬱結用加味歸脾湯若腎經火動加味地黃丸

附治驗

一妊婦煩熱無咽間作痛用知母散加山梔以清肺
經而愈後內熱咳嗽小便自遺用補中益氣加麥冬
山梔以補肺氣滋腎水而痊

知母散治煩躁悶亂口乾

知母 麥門冬 黃耆炒 子苓炒 赤茯苓各一錢 甘

草五分

右水煎入竹瀝一合更煎二沸而服

人參黃耆散 治身熱煩躁口乾

人參 黃耆炒 葛根 秦朮 赤茯苓 麥門冬

各一錢 知母 甘草五分

右薑三片竹葉二七片水煎

補遺人參白朮散黃耆六一湯皆良

附方

竹葉石膏湯

石膏

一錢

半夏

五分

甘草

人參

各一錢

麥門冬

竹

葉

各五分

右薑水煎服

補中益氣湯

方見二十四卷第六論

紫蘇飲

方見十二卷第八論

加味逍遙散

加味歸脾湯

二方見二十四卷第四論

六味地黃丸

方見二十四卷第十一論

薛氏醫案卷三十七

欽定四庫全書

薛氏醫案卷三十八

明薛己訂

婦人良方

妊娠中風方論第一

論曰四時八方之氣為風也常以冬至之日候之若從其鄉來者長養萬物否則名為虛邪賊害萬物體虛中之客于皮膚則頑痺不仁入于筋脈則攣急喎僻若無

濕熱則弛縱痿軟若入臟腑氣隨所傷經絡而為諸病
妊娠中之必須早治庶免墮胎之患

愚按病機機要云風本為熱熱勝則風動宜以靜勝
其燥是亦養血也治法須少汗亦宜少下多汗則虛
其衛多下則損其榮雖有汗下之戒而有中臟中腑
之分中腑者多着四肢之間則脈浮惡寒拘急不仁
中臟者多着九竅之中則唇緩失瘖耳聾鼻塞目瞽
便秘中腑者宜汗之中臟者宜下之表裡已和宜治

在經當以大藥養之此中風之要法也妊婦患之亦當以此施治而佐以安胎之藥仍參三卷首論主治之為是

防風散 治妊娠中風卒倒口噤肢強或痰氣上升

防風 桑寄生 葛根各五分 家菊花 細辛 防

己 秦朮 當歸 桂心 茯苓 甘草 羚羊

角各三分

右水煎入竹瀝半合服

白朮酒 治妊娠中風口噤不語

白朮 半一兩 獨活 兩一 黑豆 一合
炒

右酒煎分四服灌之得汗即愈

補遺治妊娠中風排風湯續命湯參蘇湯 加羌活

引風湯皆可選用 方見第三卷中風類

妊娠風痙方論第二

論曰妊娠體虛受風而傷足太陽經遇風寒相搏則口噤背強甚則腰反張名之曰痙須臾自醒良久復作又

名子癩子冒當審察其因而治之

愚按前症若心肝風熱用釣藤湯肝脾血虛加味道
遙散肝脾鬱怒加味歸脾湯氣逆痰滯紫蘇飲肝火
風熱釣藤散脾鬱痰滯二陳薑汁竹瀝若無症相雜
當參照子煩門

附治驗

一妊婦出汗口噤腰背反張時作時止此怒動肝火
也用加味道遙散漸愈又用釣藤散而止更以四君

加鈞藤山梔柴胡而安

一妊婦因怒忽仆地良久而甦吐痰發搐口噤項強
用羚羊角散漸愈用鈞藤散始痊又用歸脾湯而安
羚羊角散 治妊娠冒悶角弓反張名曰子癇風痙

羚羊角鎊 獨活 酸棗仁炒 五加皮 薏苡仁炒

防風 當歸酒浸 川芎 茯神去木 杏仁去皮尖 木香

甘草炙各二分

右薑水煎

附方

釣藤湯

方見十二卷第四論

加味道遙散

加味歸脾湯

二方見二十四卷第四論

紫蘇湯

方見十二卷第八論

釣藤湯

方見四卷第四論

二陳湯

方見二十四卷第五論

四君子湯

方見二十四卷第六論

妊娠瘈瘲方論第三 新附

竊謂瘈者筋脈急而縮也瘲者筋脈緩而伸也一縮一伸手足相引搐搦不已大抵與嬰孩發搐相似謂之瘈瘲也此症多屬風蓋風主搖動駱龍吉云心主脈肝主筋心屬火肝屬木火主熱木主風風火相熾則為瘈瘲也治法若因風熱用釣藤湯加柴胡山梔黃芩白朮以平肝木降心火養氣血若風痰上湧加竹瀝南星半夏若風邪急搐加全蠍僵蠶虧損氣血用八珍湯加釣藤

山梔為主若無力抽搐戴眼反折汗出如珠者肝氣絕也皆不治

附治驗 方藥

一妊婦四肢不能伸服祛風燥血之劑遺尿痰甚四肢抽搐余謂肝火血燥用八珍湯加炒黑黃芩為主佐以釣藤湯而安後因怒前症復作小便下血寒熱少寐飲食少思用釣藤散加山梔柴胡而血止用加味道遙散寒熱退而得寐用六君子湯加芍藥釣藤

飲食進而漸安

八珍湯

方見二十四卷第四論

六君子湯

方見二十四卷第六論

妊鬼胎方論第四

夫人臟腑調和則血氣充實精神健旺若榮衛虛損精神衰弱妖魅之類乘之亦如懷妊之狀故曰鬼胎也

愚按前症因七情脾肺虧損氣血虛弱行失常道衝任乖違而致之者乃元氣不足病氣有餘也若見經

候不調就行調補庶無是症治法以補元氣為主而
佐以雄黃丸之類行散之若脾經鬱結氣逆者用加
味歸脾湯調補之若脾虛血不足者用六君芎歸培
養之肝火血耗者用加味道遙散滋抑之肝脾鬱怒
者用加味歸脾逍遙二藥兼服腎肝虛弱者用六味
地黃丸

附治驗

一婦人經閉八月肚腹漸大面色或青或黃用胎症

之藥不驗余診視之曰面青脈滯寒熱往來肝經血
病也面黃腹大少食體倦脾經血病也此鬱怒傷脾
肝之症非胎也不信仍用治胎散之類不驗余用加
味逍遙歸脾二藥各二十餘劑諸症稍愈彼欲速效
別服通經丸一服下血昏憤自汗惡寒手足俱冷嘔
吐不食余用人參炮薑二劑漸愈又用十全大補湯
五十餘劑而安

雄黃丸 治鬼胎瘀血腹痛

雄黃

鬼白

去毛

獺肝

炙黃

丹砂

細研

巴豆

去皮

油

莽草

蜥蜴

一枚炙黃

蜈蚣

一條炙黃

右為末蜜丸桐子大每服二丸空心溫酒下日二服
或下如蛇蟲之類其病乃除

治鬼胎及血氣痛不可忍

斑猫

去頭翅
足製

延胡索

炒各
等分

右為末以溫酒調下半錢以下穢物為度

附方

加味歸脾湯

加味逍遙散

十全大補湯

三方見二十四卷第四論

六君子湯

方見二十四卷第六論

六味丸

方見二十四卷第十一論

妊娠傷寒方論第五

夫時令嚴寒體虛所傷即成傷寒輕者洒淅惡寒翕翕發熱微咳鼻塞數日而愈重者頭疼體痛寒熱交作久

而不愈者多致傷胎也

愚按前症為害匪輕當審其經絡表裡而治之不可輕忽

加減四物湯 治妊婦腹痛或月事不調胎氣不安產後血塊或亡血過多或惡露不下

當歸 川芎

白芍藥

炒 熟地黃

各一兩

右每服四五錢水煎日二三服下血加艾葉阿膠虛熱口乾加括萎根麥門冬惡血腹痛加當歸芍藥血

崩血淋加熟地蒲黃因熱生風加川芎柴胡頭昏項
強加柴胡黃芩大便秘結加大黃桃仁嘔吐惡心加
白朮人參虛煩不眠加竹葉人參煩躁大渴加知母
石膏水停吐逆加豬苓茯苓虛煩傷寒加人參柴胡
防風

阿膠散 治時氣先服此以安胎却以主藥間服

阿膠炙 白朮炒 桑寄生 人參 白茯苓

右為末等分每服一錢用糯米飲調下日三服

前胡湯 治傷寒頭痛壯熱肢節煩疼

石膏

錢一

前胡

甜竹茹

梔子

炒

黃芩

炒

大青

知母

各五分

右用葱白水煎服

蘇木湯 治傷寒時行洒淅寒振或無噦者

赤芍藥

橘紅

黃芩

炒

黃連

甘草

蘇木

各五分

分

右用水煎服汗出即瘥如胎不安無服阿膠湯

黃龍湯 治妊婦寒熱頭疼嘿嘿不食脇痛嘔痰及產後傷風熱入胞宮寒熱如瘧或經水適來勞復熱不

解散

柴胡

錢二

黃芩

炒

人參

甘草

各一錢

右用水煎服

柴胡石膏湯

治頭痛惡寒身熱拘急口乾

柴胡

錢二

甘草

一錢

石膏

三錢

右用薑水煎服氣虛加人參

枳實散 治傷寒四日至五六日腹脹少食腹疼體重

枳實

炒三錢

陳皮

一錢

麥門冬

一錢五分

右用生薑葱白水煎服

旋覆花湯 治傷寒頭目旋疼壯熱心躁

旋覆花

赤芍藥

甘草

各五分

前胡

石膏

各一錢

白朮

人參

麻黃

去根節

黃芩

各三分

右用薑水煎服

麥門冬湯 治傷寒壯熱嘔逆頭疼胎氣不安

人參

石膏

各錢半

前胡

黃芩

各五分

葛根

麥門

冬錢一

右薑棗竹茹一分用水煎服

梔子大青湯

治發斑變黑尿便血

升麻

梔子

錢一大青

杏仁

黃芩

各錢一

右用葱白三寸水煎服

白朮湯

治傷寒煩熱頭痛胎動或時吐逆不食

白朮

橘紅

麥門冬

人參

前胡

赤茯苓

川芎 甘草 半夏 各五分

右用生薑竹茹一分水煎服

良方白朮散 治傷寒

白朮 黃芩 炒各二錢

右用薑棗水煎服若四肢厥逆陰症也不可用

芎蘇散 治外感風寒壯熱頭疼心胸煩悶

紫蘇葉 川芎 白朮 白芍藥 麥門冬 去心 陳

皮 乾葛 各五分 甘草 炙三分

右用生薑蔥白水煎

參蘇飲

去木香

治證同前

方見六卷第十二論

妊娠時氣方論第六

論曰四季之間非其時而有其氣謂春寒夏冷秋熱冬
煖之不正也所感者不拘長少其症相類故云時氣妊
娠患之重者多致傷胎

愚按前症與前傷寒互相主治

秦朮散 治時氣五六日不得汗口乾飲水狂言嘔逆

秦朮

柴胡

各五分

石膏

錢一

犀角

鎊

赤茯苓

前胡

甘草

葛根

升麻

黃芩

各四分

右用淡竹茹一分水煎服

葛根飲子

治時氣煩熱口乾頭痛

乾葛

麻黃

去節根各半兩

石膏

一兩一合

白米

半合

梔子

七二

粒葱白二莖

右用水煎分三服汗出為效

消熱飲子

治時氣六七日大小便不利

芒硝

一兩
細研

葵子

二兩

右如前煎服以利為效芒硝即朴硝

人參敗毒散

方見二十四卷第十論

妊娠熱病方論第七

冬時觸冒嚴寒即病為傷寒藏于肌骨夏至發為暑病
即熱症也妊娠患之多致墮胎熱病與中暑相似但熱
病者脈實中暑者脈虛治當審察不可槩施

愚按此症與前後三症同治

治妊娠熱病頭痛嘔吐煩悶

人參

一方無

竹茹

葛根

各一兩

知母

三兩

蘆根

二兩

麥門

冬

去心一兩半

右每服四錢連根葱白三寸水煎

梔子仁飲

治熱病發斑黑色小便如血氣喘急胎欲

落

梔子

升麻

石膏

生地黃

各二兩

黃芩

大青

各一兩

右每服半兩葱白七寸豉四十九粒水煎

大黃飲 治熱病六七日大小便秘澀

大黃

微炒

石膏

各一兩

知母

赤茯苓

前胡

各三分

梔

子 甘草

黃芩

各半兩

右每服五錢生地黃一分煎服

又方伏龍肝細研每服一錢水調下

外用
水調
塗臍下

又方芎根煮汁時服一盞

補遺蘆根湯

治熱病頭疼心煩嘔吐

知母四兩 青竹茹三兩

右每服五錢生蘆根一握糯米一撮水煎

梔子五物湯 治妊婦傷寒壯熱頭痛

梔子 前胡 知母各二兩 黃芩一兩 石膏四兩

右每服五錢用水煎服

升麻六物湯 治傷寒斑黑溺血

升麻 梔子各二兩 大青 杏仁 黃芩

右每服五錢葱頭水煎

妊娠傷寒熱病防損胎方論第八

論曰非節之氣傷于妊娠熱毒侵損胞胎若不早治多致墮胎漏血則子母之命亦不能全矣

愚按前症當分察六經為主而參于前後方論

治妊娠傷寒身痛壯熱

葱白升切一 前胡 葛根 石膏各十 青黛各六 升麻

八分 梔子十二
個

右用水煎分三服

治妊娠傷大小便秘結

前胡

十分

大黃

石膏

各二分十分

梔子

十枝

知母

黃芩

茯苓

生薑

各八分

右用水煎分三服

治妊娠傷寒發斑忽黑小便如血胎欲落

梔子

升麻

各四兩

青黛

二兩

生地黄

二十枝

石膏

八兩

蔥白

切片

黃芩

三兩

右用水煎分三服忌熱物

又用井中泥塗心下乾則易

二方出本事
再錄有効

補遺治妊娠熱病先以白朮散安胎

方見前

妊娠熱病胎死腹中方論第九

論曰熱病以致胎死不能出者但服黑神散胎自下矣
愚按陳無擇先生曰前症當視產母若面赤舌青知
其子死面青舌赤知母死子生唇青吐沫子母俱死
若雙胎或一死一活用黑神散竊謂前症宜補助產
母使其胎自下黑神散恐其太熱不宜輕用果一胎

已死者用平胃散朴硝水銀下之最為穩當庶不併

傷生者

平胃散
方見後

黑神散

又名烏金散靈苑方名肉桂散

桂心

當歸

芍藥

甘草

炙

乾薑

炒

生地黄

各一

兩

黑豆

炒去皮
二兩

附子

炮去皮
臍半兩

右為末每服二錢空心用溫酒調下

補遺胎死用紅花酒煮汁飲二三碗

又方伏龍肝為末溫酒調下二錢白湯亦可

又方朴硝末童子小便和熱酒調下三錢立出

妊娠瘧疾方論第十

論曰妊娠病瘧乃夏傷于暑客于皮膚至秋而發陽盛則熱陰盛則寒陰陽相離寒熱俱作其發晏者由風邪客于風府循脊而下衛氣至一日一夜常大會于風府故發日晏與早者衛氣之行風府日下一節二十一日下至尾骶二十二日入脊內上注于伏衛之脈其行九日出缺盆其氣既止故發更早其間日發者風邪內搏

五臟橫連募原其道遠其氣深其行遲不能日作也妊
娠而發多傷于胎

愚按前症因脾胃虛弱飲食停滯或外邪所感或鬱
怒傷脾或暑邪所伏審係飲食停滯用六君子加桔
梗蒼朮藿香外邪多而飲食少用藿香正氣散外邪
少而飲食多人參養胃湯勞傷元氣用補中益氣
湯若鬱怒所傷用小柴胡無歸脾湯若木侮土久而
不愈用六君子為主佐以安胎藥乃參三陰三陽經

而治之

附治驗

一婦人因怒患瘧舉發無期久而不已胸腹不利飲食少思吞酸吐痰用六君子加柴胡山梔二十餘劑尋愈但晡熱少食又用四君子加柴胡升麻為主佐以逍遙散而痊

一婦人瘧久不已噯氣下氣胸腹膨脹食少欲嘔便血少寐此屬肝脾鬱怒用歸脾湯加柴胡山梔漸愈

又用六君子湯加柴胡山梔升麻而愈

一姪婦患瘧已愈但寒熱少食頭痛晡熱內熱此脾
虛血弱也用補中益氣湯加蔓荊子頭痛頓止又用
六君子湯加芎歸飲食頓進再用逍遙散加參朮而
寒熱愈

七寶散 治瘧疾一日一發或一日兩發或間一日發

常山 厚朴薑製 青皮 陳皮並去白 甘草炒 檳榔

草菓等分

右每服半兩酒水各一碗煎至一盞去粗露一宿發
時面東溫服良久再服一妊婦先寒後熱六脈浮緊
用前散一劑而愈

人參養胃湯 治妊娠瘧疾寒多熱少或但寒不熱頭
痛惡心身痛面色青白脈弦遲者又有驅邪散治證

亦同 方見七卷第十八論

清脾湯 治妊婦瘧疾寒少熱多或但熱不寒口苦舌
乾大便秘澀不進飲食脈弦數者

青皮 厚朴薑製 白朮炒 草菓 茯苓 半夏炒 黃

芩 柴胡 甘草炙各五分

右用薑水煎

附方

交加散 治食瘧神效

肉豆蔻二箇一 草豆蔻生一個一 甘草二錢半 厚朴炒半生

二錢半 生薑一兩半
炒半生 煨半生

右用薑水煎發日五更服

仲景白虎加桂枝湯 治溫瘧

知母

六錢

桂枝

黃芩

各一錢

石膏

二錢

甘草

炙

牡蠣

乾薑

各一錢

右用水煎服汗出即愈此少陽經藥也

桂枝羌活湯 治瘧處暑以前頭痛脈浮惡風有汗

桂枝

羌活

防風

甘草

各一錢

五分

錢

右水煎服吐加半夏麩

麻黃羌活湯 治症如前但惡寒無汗

麻黃節去羌活

防風

甘草各半

右如前服加法同二方太陽經藥也

白芷湯 治瘧身熱目痛熱多寒少脈長先以大柴胡下之微利為度餘熱不盡當服此湯

白芷

一兩
一兩
七錢

石膏四兩

右粗末依前服陽明經藥也

桂枝芍藥湯 治瘧寒熱不論先後此太陽陽明合病

寒熱作則必戰經曰熱勝而動也發熱則必汗泄經

曰汗出不愈知內熱也乃陰盛陽虛之證此湯主之
否則久而傳于陰經矣

桂五黃耆炒

知母

石膏

芍藥

各二錢

右粗末水煎此太陽陽明經藥也

桂枝黃芩湯

如服前藥轉甚三陽合病也宜此和之

柴胡

一錢五分

黃芩

人參

甘草

各八分

半夏

石膏

知母

各五分

右每粗末依前服如外邪已解而內未已再服下藥

從卯至午發大柴胡下之從午至酉發邪氣在內也
大承氣下之從酉至子發或至寅發邪氣在血也桃
仁承氣湯下之微利後更以小柴胡湯徹其邪氣按
此太陽陽明少陽經藥也以上諸方並係發風寒暑
熱之氣自外而入中于三陽之經者也

桂枝石膏湯 治瘧疾隔日先寒後熱寒少熱多

桂枝

五錢

石膏

一兩五錢

知母

一兩五錢

黃芩

一兩

右分三服水煎此太陽陽明經藥也隔日發者邪氣

所含深者也

麻黃黃芩湯

治瘧發如前症而夜發者

麻黃

一兩
去節

甘草

炙三錢

黃芩

五錢

桂枝

二錢

桃仁

三十個
去皮尖

右依前服桃仁味苦甘辛肝者血之海血驟則肝氣燥經所謂肝苦急急食甘以緩之故桃仁散血緩肝謂邪氣深遠而入血故夜發乃陰經有邪此湯發散血中風寒治風暑深入陰分乃血受病邪氣所含尤深者也麻黃桂枝桃仁等乃太陽經血藥非三陰經

藥也

附方

四君子湯

六君子湯

補中益氣湯

三方見二十四卷第六論

藿香正氣散

方見二十一卷第十論

人參養胃湯

方見七卷第十八論

小柴胡湯

方見二十四卷第二論

逍遙散

加味歸脾湯

二方見二十四卷第四論

妊娠霍亂方論第十一

夫飲食過度觸冒風冷陰陽不和清濁相干謂之霍亂其間或先吐或腹痛吐利是因于熱也若頭痛體疼發熱是挾風邪也若風折皮膚則氣不宣通而風熱上衝為頭痛若風入腸胃則洩利嘔吐甚則手足逆冷此陽氣暴竭謂之四逆妊娠患之多致傷胎也

愚按前症若因內傷飲食外感風寒用藿香正氣散若因飲食停滯用平胃散果脾胃頓傷陽氣虛寒手足逆冷者須用溫補之劑治當詳審毋使動胎也

附治驗

一妊婦霍亂已止但不進飲食口內味酸泛行消導寬中余曰此胃氣傷而虛熱也常用四君子湯彼不信乃服人參養胃湯嘔吐酸水其胎不安是藥復傷也仍與四君子湯俾煎熱令患者先嗅藥氣不作嘔

則呷少許恐復嘔則胎為鈞動也如是旬月而愈

人參散 治脾胃虛寒霍亂吐瀉心煩腹痛飲食不入

人參

厚朴

薑橘各一
製錢

當歸

乾薑

炮

甘草

各

分五

右用棗水煎服

人參白朮散 治脾胃虛弱吐瀉或吐瀉作渴不食

白朮

茯苓

人參

甘草

炒

木香

藿香

各五分

乾葛

錢一

右用水煎服吐甚加生薑汁頻飲之

縮脾飲 解伏熱除煩渴消暑毒止吐瀉宣沈冷頻服

草薹仁

四兩

烏梅肉

三兩

甘草

炒二兩半

右每服半兩用薑十片水煎

木瓜煎 治吐瀉轉筋悶絕

吳茱萸

湯泡七次

生薑

切各一分

木瓜

木刀切兩半

右每服二三錢用水煎

治霍亂其效神速一方有黃連無扁豆仍與第二論通用

妊婦霍亂腹痛四肢冷逆汗脈細理中湯治之傷食
加陳皮寒甚脈欲絕陰症悉具加炮附子方見二十

卷

竹茹湯治霍亂熱渴脈數

見七卷嘔吐門

附方

藿香正氣散

方見二十一卷第十論

平胃散

方見七卷第十八論

四君子湯

方見二十四卷第六論

人參養胃湯

方見七卷第十八論

五苓散


方見二十一卷第十論

理中丸

方見二十卷第八論

香薷飲

方見七卷第二論



薛氏醫案卷三十八

欽定四庫全書

子部

薛氏醫案卷三十九
四十

詳校官太醫院醫士 臣 舒 岱

編修 臣 倉聖脈覆勘

總校官原任中允 臣 王 燕 緒

校對官助教 臣 卜 維 吉

謄錄監生 臣 袁 瑩

欽定四庫全書

薛氏醫案卷三十九

明薛己訂

婦人良方

妊娠泄瀉方論第一

論曰妊娠泄瀉或青或白水穀不化腹痛腸鳴謂之洞
泄水穀不化喜飲嘔逆謂之協熱下利並以五苓散利
小便次以黃連阿膠丸或三黃熟艾湯以安之若瀉黃

有沫腸鳴腹痛脉沉緊數用戊己丸和之噉腐不食胃
脉沉緊用感應丸下之後調和脾胃若風冷水穀不化
如豆汁用胃風湯寒冷臍下陰冷動泄用理中湯治中
湯伏暑心煩渴瀉水用四苓散傷濕泄瀉小便自利用
不換金正氣散胃苓湯此四證之大畧也仍參第八卷
第八論主之

愚按米食所傷用六君加穀蘖麵食所傷用六君加
麥蘖肉食所傷用六君加山查若兼寒熱作嘔乃肝

木侮脾土用六君加柴胡生薑蕪嘔吐腹痛手足逆
冷乃寒水侮土六君加薑桂不應用錢氏益黃散若
元氣下陷發熱作渴肢體倦怠用補中益氣湯若泄
瀉色黃乃脾土之真色用六君加木香肉果若作嘔
不食腹痛惡寒乃脾土虛寒用六君加木香薑桂若
瀉在五更侵晨飲食少思乃脾腎虛弱五更服四神
丸日間服白朮散如不應或愈而復作或飲食少思
急用八味丸補命門火以生脾土為善不可忽也

附治驗

邊太常側室妊娠泄瀉自用枳朮黃連之類腹悶吐
痰發熱惡寒飲食到口即欲作嘔強匙許即吞酸不
快欲用祛痰理氣余曰此因脾胃傷而痰滯中脘若
治痰氣復傷脾胃矣遂以參朮炮薑為末丸如黍粒
不時含嚥三五丸漸加至三日後日進六君子湯而
尋愈

進士王繳徵之內懷妊泄瀉惡食作嘔余曰脾氣傷

也王君憂之強進米飲余謂飲亦能傷胃且不必強
俟脾胃醒宿滯自化飲食自進不信別用人參養胃
湯飲之吐水酸苦又欲投降降火寒藥余曰若然則胃
氣益傷也經云損其脾胃者調其飲食適其寒溫後
不藥果愈

厚朴丸 治洞泄寒中

乾薑炒厚朴去皮
等分

右水拌炒為末水糊丸梧子大每服五十九米飲下

草果散 治虛寒泄瀉腹痛無度

厚朴

薑汁拌炒二兩

肉豆蔻

十箇麵煨

草豆蔻

十箇煨

右每服三錢用薑水煎

附方

附子理中湯

方見二十一卷第八論

理中丸

五苓散

二方見二十一卷第十論

六君子湯

補中益氣湯

二方見二十四卷第六論

錢氏益黃散

方見二十一卷第九論

四神丸

方見八卷第八論

七味白朮散

方見二十一卷第二論

八味丸

方見二十四卷第十一論

妊娠下麻黃水方論第二

論曰妊娠飲食生冷脾胃不能剋化致令心腹疼痛若血分病則色赤氣分病則色白血氣俱病則赤白相雜

若熱乘大腸血虛受惠則成痢也

愚按治痢之法當參前篇其下黃水乃脾土虧損真
色下陷也當升補中氣若黃而兼青乃肝木剋脾土
宜平肝補脾若黃而兼白乃子令母虛須補脾胃若
黃而兼黑是水反侮土矣必溫補脾胃若黃而兼赤
乃心母益子但補中益氣若腸胃虛弱風邪客之用
胃風湯或胎氣不安急補脾胃而自安矣凡安胎之
藥當臨病制宜不必拘用阿膠艾葉之類

附治驗

地官胡成甫之內妊娠久痢自用消導理氣之劑腹
內重墜胎氣不安又用阿膠艾葉之類不應余曰腹
重墜下元氣虛也胎動不安內熱盛也遂用補中益
氣而安又用六君子湯全愈

治妊娠利黃水

厚朴

薑汁炙
二兩

黃連

二兩

肉豆蔻

五箇
連皮

右用水煎徐徐服忌如前

已上六方
並出產寶

治妊娠熱痢

黃連

一升

黃蘗

一升

梔子仁

二十枚

右用每服五錢水煎嘔加橘皮生薑

治妊娠下痢腹痛小便澀滯

糯米

一合

當歸

炒

黃芪

各一兩

右用水煎分四服

治臨產下痢用梔子炒為末每服二錢白湯調甚效

附方

胃風湯

方見十二卷第九論

補中益氣湯

二方見二十四卷第六論

妊娠大小便不通方論第三

夫妊娠大小便不通由臟腑之熱所致若大腸熱則大便不通小腸熱則小便不利大小腸俱熱更推其因而藥之

愚按前症若大腸血燥用四物湯加條芩桃仁大腸氣滯用紫蘇飲加杏仁條芩腸胃氣虛用六君子加

紫蘇杏仁肝脾蘊熱用龍膽瀉肝湯心肝虛熱用加
味逍遙散加車前子

附治驗

亞卿李蒲汀側室妊娠大小便不利或用降火理氣
之劑元氣反虛肝脉弦急脾脉遲滯視其面色青黃
不澤余曰此鬱怒所致也用加味歸脾湯為主佐以
加味逍遙散而安

主政王天成之內姪娠痢疾愈後二便不通其家世

醫自用清熱之劑未效余診其脉浮大而濡此氣血
虛也朝用八珍湯加桃仁杏仁夕用加味道遙散加
車前子而瘥

當歸散 治妊娠因怒肚腹脹痛四肢浮腫氣急作喘

大便難小便澀產門腫

當歸

五分

赤茯苓

枳殼

麩炒

白芍藥

川芎

各一錢

白薑

炮

木香

煨

粉草

各三分

右用薑水煎氣弱枳殼減半大便秘加蜜同煎

治妊娠大小便不通腹脹痞悶不思飲食

大黃炒木通

檳榔各一兩

枳殼

麩炒三錢

訶梨勒

四箇去核

半生半煨

大腹子

三枚

右為末用童便一盞葱白二寸煎六分調服二錢

初虞世治妊娠風氣大便秘澀

枳殼

三兩麩炒

防風

兩

甘草

炙一兩

右為末每服一二錢空心用白滾湯調日三服

小品治妊娠小便不利氣急服猪苓散不瘥用并遂為

末蜜和服豆許微利之未利再服利後仍服猪苓散
猪苓散 治妊娠小便澀痛及胎水猪苓去皮為末白
湯調下錢許加至二錢日三夜二服

又方車前子一兩大黃半兩為末每服三錢蜜湯調

附方

四物湯

四君子湯

二方見二十四卷第六論

紫蘇飲

方見二十四卷第八論

龍膽瀉肝湯

方見二十四卷第八論

加味道遙散

加味歸脾湯

八珍湯

三方見二十四卷第四論

妊娠小便不通方論第四

夫妊娠小便不通為小腸有熱傳於脬而不通耳若兼心肺氣滯則致喘急陳無擇云妊娠胎滿逼胞多致小便不利若心腎氣虛清濁相干而為諸淋若胞系了戾

小便不通名曰轉胞若胞滿尿出名曰遺尿

愚按丹溪先生轉脬小便閉多因胎婦虛弱憂悶性躁食味厚古方用滑利疏導藥鮮效若脬為胎所墮而不通但升舉其胎胞系疏而小便自行若臍腹作脹而小便淋閉此脾胃氣虛胎壓尿胞四物二陳參朮空心服後探吐數次自安竊謂前症亦有脾肺氣虛不能下輸膀胱者亦有氣熱鬱結膀胱津液不利者亦有金為火爍脾土濕熱甚而不利者更當詳審

施治

附治驗

司徒李杏岡仲子室孕五月小便不利諸藥不應余
曰非八味丸不能救不信別用分利之藥肚腹腫脹
以致不起

儒者王文遠室患此小腹腫脹幾至於殆用八味丸
一服小便滴瀝再以前丸之料加車前子一劑即利
肚腹頓宛而安

八味丸 治婦人飲食如故煩熱不得卧反倚息因脬

系了戾不得溺名轉脬但利小便則愈蓋此藥有茯苓

苓故也緩則不救

方見二十四卷第十一論

古今錄驗妊娠小便難飲食如故

當歸

貝母去心炒

苦參

各三兩

滑石

半兩

右為末煉蜜丸小豆大每服二三十丸米飲下

治妊娠小便不通臍下妨悶心神煩亂

葵子

研

榆白皮

各一兩

葱白

七莖

右水煎分三服

古今錄驗妊娠不得小便杏仁去皮尖炒黃搗九燈心

湯吞七粒

又方滑石末水和塗臍下

又方用車前草汁調滑石末塗臍周圍四寸熱易之

又方搗杏仁入滑石末飯丸小豆大每服二十九白湯

下

又方用紫苑為丸井花水調下二錢

葵子散 治妊娠小便不利身重惡寒眩暈及水腫用
葵子五兩赤茯苓五兩為末每服二錢米飲調

附方

四物湯

方見二十四卷第六論

二陳湯

方見二十四卷第五論

妊娠子淋方論第五

妊娠小便淋者乃腎與膀胱虛熱不能制水然妊婦胞
繫於腎腎間虛熱而成斯症甚者心煩悶亂名曰子淋

也

愚按前症若頸項筋攣語滯痰甚用羚羊角散若小便瀉少淋瀝用安榮散若肝經濕熱用龍膽瀉肝湯若肝經虛熱用加味道遙散腿足轉筋而小便不利急用八味丸緩則不救若服燥劑而小便頻數或不利用生地茯苓牛膝黃柏知母芍歸甘草若頻數而色黃用四物加黃柏知母五味麥門玄參若肺氣虛而短少用補中益氣加山藥麥門若陰挺痿痺而頻

數用地黃丸若熱結膀胱而不利用五淋散若脾肺燥不能化生宜黃芩清肺飲若膀胱陰虛陽無所生用滋腎丸若膀胱陽虛陰無所化用腎氣丸

附治驗

一婦人每怒發熱脇脹小便淋瀝如遇經行旬餘未已受胎三月因怒前症復作朝用加味逍遙散夕用安胎飲各二劑而安五月又怒復下血如經行四日未止仍用前藥而愈

一妊娠飲食後因惱怒寒熱嘔吐頭痛惡寒胸腹脹痛大便不實其面青色小便頻數時或有血服安胎止血之劑益甚余曰寒熱嘔吐而腹脹此肝木尅脾土而元氣傷也大便秘而面青此飲食傷脾兼肝侮土也小便頻數而有血此肝熱傳胞而兼挺痿也用六君子加枳殼紫蘇山梔二劑脾胃頓醒又用加味道遙散加紫蘇枳殼二劑小便頓清後節飲食調理而安

地膚大黃湯 治子淋

大黃

炒三兩

地膚草

三兩

知母

黃芩

炒

猪苓

通草

赤芍藥 升麻

枳實炒 甘草

各二兩

右每服四五錢水煎服

安榮散 治子淋甚妙

麥門冬

去心 通草

滑石 當歸

燈心

甘草

人參

細辛

各五分

右水煎服

治小便淋痛心煩悶亂

蘼麥穗 赤茯苓 桑白皮 木通 葵子各一錢

黃芩炒 芍藥 枳殼 車前子炒各五分

右水煎服

治子淋小便澀痛

冬葵子 滑石 木通各等分

右每服四五錢葱白七寸水煎

猪苓散 療子淋小便澀痛方見本卷第三論

附方

羚羊角散

方見四
卷首論

龍膽瀉肝湯

方見二十四
卷第八論

加味道遙散

四物湯

二方見二十
四卷第四論

腎氣丸

即六
味丸

六味丸

八味丸

三方見二十四
卷第十一論

六君子湯

補中益氣湯

二方見二十四卷第六論

五淋散

滋腎丸

黃芩清肺飲

三方見八卷第一論

安胎飲

方見十二卷第二論

妊娠遺尿方論第六

妊娠尿出不知用白薇芍藥為末酒調下或白礬牡

蠟為末酒調二錢或鷄毛灰末酒服一匕或炙桑螵蛸
益智子仁為末米飲下

愚按前症若脬中有熱宜用加味逍遙散若脾肺氣
虛宜用補中益氣湯加益智若肝腎陰虛宜用六味
九

附治驗方藥

一妊婦遺尿內熱肝脉洪數按之微弱或兩太陽作
痛脇肋作脹余以為肝火血虛用加味逍遙散六味

地黄丸尋愈後又寒熱或發熱或恚怒前症仍作用
八珍散逍遙散兼服以清肝火養肝血而痊

附方

加味逍遙散

八珍湯

二方見二十四卷第四論

補中益氣湯

方見二十四卷第六論

六味地黄丸

方見二十四卷第十一論

妊娠尿血方論第七

妊娠尿血內熱乘於血分以致血熱流滲於脬名子淋
用葵子一升研細水五升煮二升分三服或生艾葉一
斤酒五升煮二升分三服或生地黄一斤酒四升煮二
升分三服亦治落產後下血

愚按前症因怒動火者宜小柴胡加山梔因勞動火
者宜補中益氣湯若因厚味積熱宜用加味清胃散
若因肝經血熱宜用加味逍遙散若因脾氣下陷宜
用補中益氣湯若因脾虛血熱宜用加味逍遙散

附治驗

一妊婦因怒尿血內熱作渴寒熱往來胸乳間作脹
飲食少思肝脉弦弱此肝經血虛而熱也用加味道
遙散六味地黄丸兼服漸愈又用八珍湯加柴胡丹
皮山梔而痊

續斷湯 治妊娠下血及尿血

續斷兩半赤芍藥錢五當歸

生地黃各一兩

右為末每服二錢空心用葱白煎湯調下

治妊娠尿血

阿膠

炒為末
四兩

熟地黄

用生者四兩酒
拌蒸熟杵膏

右和丸桐子大每服七八十九空心粥飲下

五苓散

去桂加阿膠
炒同為粗末

每四錢用車前子白茅根水煎溫

服

又方白茅根濃煎湯吞酒蒸黃連丸

附方

小柴胡湯

方見二十四
卷第二論

補中益氣湯

方見二十四
卷第六論

加味清胃散

方見二十四
卷第一論

加味逍遙散

加味歸脾湯

二方見二十
四卷第四論

妊娠胎水腫滿方論第八

產乳集云妊娠三月足腫至腿出水飲食不甘似水腫
謂之子氣至分娩方消者此脾胃氣虛或衝任經有血
風名醫錄云宋少主元徽與徐文伯微行學鍼法文伯

見一妊婦足腫脉之少主曰此女形也文伯曰此鬼胎
也在左而黑遂用鍼胎下果然亦有脾虛水氣流溢
或因瀉痢臟腑虛寒或因瘧疾飲水脾虛濕漬或因
水漬於胞不能分利皆致腿足肚腹腫症也

愚按前症若胸滿腹脹小便不通遍身浮腫用鯉魚
湯脾胃虛弱佐以四君子若面目虛浮肢體如水氣
用全生白朮散如未應用六君子湯脾虛濕熱下部
作腫用補中益氣加茯苓若飲食失宜嘔吐泄瀉用

六君子湯若腿足發腫喘悶不安或指縫出水用天
仙藤散脾胃虛弱兼四君子湯如未應用補中益氣
湯若脾肺氣滯用加味歸脾湯佐以加味逍遙散

附治驗

一妊娠每胎至五月肢體倦怠飲食無味先兩足腫
漸至遍身後及頭面此是脾肺氣虛朝用補中益氣
夕用六君子加蘇梗而愈凡治妊娠毋泥月數但見
某經症即用本藥為善

天仙藤散 治婦人有水氣而成胎以致兩腿足浮腫

天仙藤

洗畧炒

香附子炒 陳皮 甘草

烏藥

軟白者辣

者良各五分

右每服五錢生薑木瓜蘇葉各三片水煎日三服

澤瀉散 治妊娠遍身浮腫上氣喘急大便不通小

便赤澀

澤瀉

桑白皮

炒

木通

枳殼

麩炒

檳榔

赤茯苓

各五分

右薑水煎服

防已散 治脾虛遍身浮腫腹脹喘促小便不利

防已錢三桑白皮炒紫蘇莖葉 赤茯苓各五分木香二分

右薑水煎

千金鯉魚湯 治妊娠腹小胎間有水氣

白朮五兩茯苓四兩當歸 芍藥各三兩

右先以小鯉魚一頭如食法煮取汁每汁二盞入藥

五錢薑七片橘皮少許煎七分空心服

腎着湯 治妊娠腰脚腫

茯苓

白朮

各八分

乾薑炮

甘草

各一錢

杏仁

五分

右用水煎服

五九散

治胎水腫滿

大腹皮

桑白皮

炒

生薑皮

橘皮

茯苓皮

各一錢

木香

右水煎服

治妊娠脚浮腫因脾衰血化成水用生料平胃散薑棗

水煎服或為末用蘇葉湯調下每服二錢

全生白朮散 治妊娠面目浮虛四肢腫如水氣名曰

胎氣名曰胎腫

白朮兩生薑皮 大腹皮 陳皮 白茯苓各半兩

右各為末每服二錢米飲下

附方

四君子湯

六君子湯

補中益氣湯

三方見二十四卷第六論

加味歸脾湯

加味道遙散

二方見二十四卷第四論

妊娠腹內鐘鳴方論第九

治孕婦腹內鳴用鼠窠中土為末入麝香酒調下二錢立愈或黃連濃煎汁母常呷之

愚按產寶云小兒在腹中哭其治法亦用空房中鼠穴土或黃連煎濃飲之即止想即是症又云臍帶上疣瘡兒含口中因妊婦登高舉臂脫出兒口以此作

聲令妊婦曲腰就地如拾物仍入兔口即止然黃連性寒麝香開竅當酌量用之

龔彥德孕癰方第十

治孕癰用烏藥五錢水一鍾煎七分入牛皮膠一兩煎化溫服或薏苡仁煮汁飲之

愚按孕癰即是腹內患癰如前法不應宜用牡丹皮

散或薏苡仁湯

治驗見二
十四卷

妊娠不語論第十一

孕婦不語不須服藥臨產月但服保生丸四物湯產下便語黃帝問曰人有重身九月而瘖何也岐伯對曰胞絡繫於腎腎脉貫繫舌本故不能言十月分娩後自為之言也

愚按前症果內經窮理之言人有患此當調攝以需之不必驚畏而泛用藥也

妊娠傷食方論第十二

經曰飲食自倍腸胃乃傷又云陰之所生本在五味陰

之五宮傷在五味故妊娠傷食最難調治者

愚按東垣先生云脾胃之氣壯則過時而不饑多食而不傷蓋胃主司納脾主消化五臟之本也然食倍而傷者乃脾氣虛而不化也若投以峻劑則脾胃復傷而胎亦損矣當審其所因而調治之若飲食停滯或肚腹作痛用平胃散嘔吐惡心加枳殼砂仁吞酸噉腐加黃連三分吳茱萸二分腹滿泄瀉用六君子湯停滯肉食倍加山查停滯麵食倍加麥蘖停滯糯

食用白酒麩末一味米食停滯倍加穀蘖魚腥所傷
倍加陳皮傷辛熱之物加黃連傷性冷之物加砂仁
木香如不應更加肉豆蔻補骨脂再不應四神丸
若脾氣下陷用補中益氣湯凡噯覺藥氣且戒藥餌
節飲食經云損其脾者調其飲食適其寒溫大凡脾
胃虛弱飲食難化以白朮陳皮為末等分陳麩糊丸
常服最善枳朮丸但可暫用枳實峻厲能耗真氣治
者慎之

附治驗

一妊娠因停食服枳朮丸胸腹不利飲食益少更服消導寬中之劑其胎下墜余謂此脾氣虛而不能承載也用補中益氣及六君子湯中氣漸健其胎漸安又用八珍湯加柴胡升麻調理而痊

木香丸 治妊娠脾胃虛弱飲食不消肚腹膨脹或嘔吐泄瀉

木香 二錢
白朮 炒
人參

白茯苓 各等分

右為末麵糊丸菘豆大每服三四十丸熟水下

白朮散 治妊娠脾胃虛弱氣不調和飲食易傷

白朮炒紫蘇各一兩人參 白芷各三錢川芎 青皮

訶子皮各半兩甘草炒一錢

右每服二錢薑水煎

附方

平胃散 方見七卷第十八論

補中益氣湯

六君子湯

二方見二十四卷第六論

四神丸

方見八卷第八論

八珍湯

方見二十四卷第四論

妊娠臟燥悲傷方論第十三

許學士云一婦無故數次悲泣是為臟燥用大棗湯而愈又程虎鄉內妊娠五月慘感悲傷亦投大棗湯而愈愚按前症或因寒水攻心或肺有風邪者治當審察

附治驗

一妊婦無故自悲用大棗湯二劑而愈後復患又用
前湯佐以四君子加山梔而安

一妊婦悲哀煩燥其夫詢之云我無故但自欲悲耳
用淡竹茹湯為主佐以八珍湯而安

大棗湯

甘草^三兩 小麥^三兩 大棗^十枚

右水六鍾煎三鍾分三服亦補脾氣

淡竹茹湯 治妊娘心虛驚悸臟燥悲傷或作虛煩

麥門冬

去心

小麥

半夏

湯炮各一錢五分

人參

白茯苓

各一錢五分

甘草

右薑棗并竹茹少許水煎

治胎臟燥悲哭用紅棗燒存性米飲調下

附方

四君子湯

方見二十四卷第六論

八珍湯

方見二十四卷第四論

薛氏醫案卷三十九